

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՇՎԵՔՆՆԻՉ ՊԱԼԱՏ



ԸՆԹԱՑԻԿ ԵԶՐԱԿԱՑՈՒԹՅՈՒՆ

ՀՀ ԱՐՏԱԿԱՐԳ ԻՐԱՎԻՃԱԿՆԵՐԻ ՆԱԽԱՐԱՐՈՒԹՅԱՆ 2021
ԹՎԱԿԱՆԻ ՊԵՏԱԿԱՆ ԲՅՈՒՋԵԻ ՏԱՐԵԿԱՆ ԿԱՏԱՐՄԱՆ
ՆԿԱՏՄԱՄԲ ՀԱՇՎԵՔՆՆՈՒԹՅԱՆ ԱՐԴՅՈՒՆՔՆԵՐԻ
ՎԵՐԱԲԵՐՅԱԼ

Բովանդակություն

Ներածական մաս	3 - 4 էջեր
Ամփոփագիր	4 - 7 էջեր
Հաշվերենության օբյեկտի ֆինանսական ցուցանիշները	7 - 13 էջեր
Անհամապատասխանությունների վերաբերյալ գրառումներ	13 - 17 էջեր
Արձանագրված այլ փաստեր	17 - 24 էջեր
Առաջարկություններ	25 էջ

ՆԵՐԱԾԱԿԱՆ ՄԱՍ

Հաշվեքննության հիմքը

ՀՀ հաշվեքննիչ պալատի 2022 թվականի փետրվարի 4-ի թիվ 38-Ա որոշում:

Հաշվեքննության օբյեկտը

ՀՀ արտակարգ իրավիճակների նախարարություն:

Հաշվեքննության առարկան

2021 թվականի պետական բյուջեի մուտքերի ձևավորման և ելքերի իրականացման կանոնակարգված գործունեություն:

Հաշվեքննության առարկաի չափանիշներ

ՀՀ կառավարության 30.12.2020թ. «ՀՀ 2021 թվականի պետական բյուջեի կատարումն ապահովող միջոցառումների մասին» թիվ 2215-Ն որոշում, «Պետական պաշտոններ և պետական ծառայության պաշտոններ զբաղեցնող անձանց վարձատրության մասին» ՀՀ օրենք, «Գնումների մասին» ՀՀ օրենք, ՀՀ կառավարության 04.05.2017թ. «Գնումների գործընթացի կազմակերպման կարգը հաստատելու և ՀՀ կառավարության 2011 թվականի փետրվարի 10-ի թիվ 168-Ն որոշումը ուժը կորցրած ճանաչելու մասին» թիվ 526-Ն որոշում:

Հաշվեքննությունն ընդգրկող ժամանակաշրջանը

2021 թվականի հունվարի 1-ից մինչև 2021 թվականի դեկտեմբերի 31-ը:

Հաշվեքննության կատարման ժամկետը

2022 թվականի փետրվարի 14-ից մինչև ապրիլի 30-ը:

Հաշվեքննության մեթոդաբանությունը

Հաշվեքննությունն իրականացվել է «Հաշվեքննիչ պալատի մասին» ՀՀ օրենքին, Հաշվեքննիչ պալատի ֆինանսական և համապատասխանության հաշվեքննության մեթոդաբանություններին, «Պետական բյուջեի երեք, վեց, ինն ամիսների և տարեկան կատարման հաշվեքննության ուղեցույցի» համաձայն:

Իրականացվել է ֆինանսական և համապատասխանության հաշվեքննություն, որի ընթացքում կիրառվել են հարցում, արտաքին հաստատում, վերլուծական ընթացակարգ, վերահաշվարկ ընթացակարգերը:

Հաշվեքննություն իրականացնող կառուցվածքային ստորաբաժանում

Հաշվեքննությունն իրականացվել է ՀՀ հաշվեքննիչ պալատի իններորդ վարչության կողմից, որի աշխատանքները համակարգում է Հաշվեքննիչ պալատի անդամ Աբրամ Բախչագույանը:

ԱՄՓՈՓԱԳԻՐ

2021 թվականի համար ՀՀ արտակարգ իրավիճակների նախարարությանը պետական բյուջեի ծրագրերով նախատեսվել էր հատկացնել 14,133,187.0 հազ. դրամ, ճշտված պլանը կազմել է 14,487,561.0 հազ. դրամ, դրամարկղային ծախսը կազմել է 14,401,479.8 հազ. դրամ կամ ճշտված պլանի 99.4 %-ը:

ՀՀ արտակարգ իրավիճակների նախարարի 24.12.2021թ. թիվ 1669-Ա հրամանով Հայաստանի Հանրապետության փրկարար ծառայության փրկարար ծառայողները (բացառությամբ տնօրենի և տնօրենի տեղակալների), քաղաքացիական ծառայողները, քաղաքացիական աշխատանք կատարողները և տեխնիկական սպասարկում իրականացնողները պարգևատրվել են պաշտոնային դրույքաչափի 1,75 գործակցի չափով: Ըստ հրամանի պարգևատրումը կատարվել է ղեկավարվելով «Պետական պաշտոններ և պետական ծառայության պաշտոններ զբաղեցնող անձանց վարձատրության մասին» ՀՀ օրենքի 22-րդ հոդվածի 9-րդ մասի դրույթով՝ հատուկ առաջադրանքների և(կամ) որակյալ աշխատանքի կատարման համար:

«Փրկարար ծառայության մասին» ՀՀ օրենքի 57-րդ հոդվածի 1-ին մասի համաձայն՝ փրկարարական ծառայողների նկատմամբ խրախուսանք կարող է կիրառել պաշտոնի նշանակելու իրավասություն ունեցող պաշտոնատար անձը: Նույն օրենքի 31-րդ հոդվածի 2-րդ մասի համաձայն՝ փրկարարական ծառայության կրտսեր պաշտոնների խմբի ծառայողներին պաշտոնի է նշանակում Փրկարար ծառայության տնօրենը, ինչպես նաև 108-րդ հոդվածի համաձայն՝ Փրկարար ծառայությունում ստորաբաժանումների քաղաքացիական անձնակազմին և տեխնիկական սպասարկում իրականացնող անձնակազմին աշխատանքի է

ընդունում Փրկարար ծառայության տնօրենը: Հետևաբար, խրախուսանք կիրառելը ևս Փրկարար ծառայության տնօրենի իրավասությունն է: Սակայն, Փրկարար ծառայության բոլոր աշխատողները պարգևատրվել են ՀՀ արտակարգ իրավիճակների նախարարի 24.12.2021թ. թիվ 1669-Ա հրամանով:

ՀՀ արտակարգ իրավիճակների նախարարությունը 2020 թվականի ռազմական գործողություններին մասնակցած անձանց և հանրության հոգեբանական վերականգնման ծառայության ձեռքբերման նպատակով «Սեդա Ղազարյանի անվան հոգեկան առողջության» հիմնադրամի հետ կնքել է 01.04.2021թ. թիվ ՀԲՄԾՁԲ-ԱԻՆ-21/31 պայմանագիր: 2021 թվականի օգոստոսի 12-ի թիվ 1 հանձնման ընդունման արձանագրությամբ՝ «հոգեբանական թեժ գծի ծառայություն» տողով քանակական ցուցանիշ ներկայացվել է «2», իսկ վճարման ենթակա գումար՝ 2,666.7 հազ. դրամ, որը ամբողջությամբ վճարվել է: Փաստորեն, հոգեբանական թեժ գծի երկու ծառայության համար պայմանագրով 400 դրամ կազմող արժեքի փոխարեն վճարվել է քանակով 13333.5 հոգեբանական թեժ գծի ծառայության արժեք, կամ 2,666.3 հազ. դրամով ավելի գումար: Հաշվեքննության ընթացքում ՀՀ արտակարգ իրավիճակների նախարարության կողմից ավելի վճարված գումարը վերականգնվել է պայմանագրի շրջանակում ներկայացված հաջորդ հարկային հաշվի դիմաց կատարողին այդ գումարի չափով պակաս վճարելով: Ընդհանուր առմամբ, «հոգեբանական թեժ գծի ծառայություն» տողով պայմանագրի շրջանակում ընդունվել է վճարման և վճարվել է 5645 հատ ծառայության մատուցում՝ 1,129.0 հազ. դրամ արժեքով: Այդ չափով կատարողի կողմից ծառայության մատուցումը հավաստող որևէ հիմնավորում ՀՀ արտակարգ իրավիճակների նախարարությունը չի ներկայացրել:

Հաշվեքննության ընթացքում ուսումնասիրվել է ՀՀ արտակարգ իրավիճակների նախարարության 2021 թվականի բյուջետային ծրագրերի միջոցառումներով պլանավորված արդյունքային ցուցանիշների կատարողականը: Ըստ հաշվետվության, միջոցառումների արդյունքի չափորոշիչներով սահմանվել են հիմնականում քանակական բնութագրեր, իսկ որակական բնութագրեր չեն

սահմանվել: Իրականացված միջոցառումների վերջնական արդյունքը գնահատելու համար հաշվետվությունը չի պարունակում բավարար տեղեկատվություն: Այսպես.

- «Փրկարարական ծառայողներին և փրկարար շներին դեղորայքով ապահովում» միջոցառման համար, որպես արդյունքի միակ չափորոշիչ սահմանվել է՝ «քնածին և տեխնածին աղետներից տուժածների քանակը», որը չի համապատասխանում միջոցառման անվանմանը, քանի որ վերլուծական մասում հղում է կատարվում «ճանապարհատրանսպորտային պատահարներից տուժած անձանց թվին»: Ընդ որում, միջոցառման հաշվետու ժամանակահատվածի ճշտված պլանով տուժածների քանակը նախատեսվել է 800 հոգի, փաստացի քանակը ըստ հաշվետվության կազմել է 7020 հոգի, սակայն միջոցառման համար պլանավորված և փաստացի ծախսը չի ավելացել:

- «Օտարերկրյա պետությունների ուսումնական հաստատություններ գործուղված փրկարարական ծառայողների ուսուցման կազմակերպում» միջոցառման համար որպես արդյունքի միակ չափորոշիչ սահմանվել է «կրթաթոշակ ստացող փրկարարական ծառայության աշխատակիցների քանակը», սակայն չի սահմանվել որևէ որակական բնութագիր: Ընդ որում, վերլուծական մասում միջոցառման հաշվետու ժամանակահատվածի ճշտված պլանի և փաստացի ծախսի միջև տարբերության վերաբերյալ նշված է՝ «ուսուցում ստացող անձանց ընտանիքի անդամների ճանապարհածախսի բացակայությունը, որի արդյունքում առաջացել է տնտեսում», որը չի համապատասխանում միջոցառման նկարագրությանը:

- «Արտակարգ իրավիճակների բնագավառում խորհրդատվական և հոգեբանական ծառայությունների տրամադրում» միջոցառման համար քանակական և որակական ցուցանիշներ չեն սահմանվել, ինչպես նաև չի սահմանվել ծառայությունը ստացող շահառուների վերաբերյալ որևէ բնութագիր:

Փաստորեն, առանձին միջոցառումների համար սահմանված արդյունքի չափորոշիչները չեն ներառում միջոցառումների կատարման արդյունքում

շահառուների կողմից ստացված օգուտներին վերաբերվող բնութագրեր, որոնք հիմք կհանդիսանային այդ միջոցառումների արդյունավետությունը գնահատելու համար:

ՀԱՇՎԵՔՆՆՈՒԹՅԱՆ ՕԲՅԵԿՏԻ ՖԻՆԱՆՍԱԿԱՆ ՑՈՒՑԱՆԻՇՆԵՐԸ

2021 թվականի համար ՀՀ արտակարգ իրավիճակների նախարարությանը պետական բյուջեի ծրագրերով նախատեսվել էր հատկացնել 14,133,187.0 հազ. դրամ, ճշտված պլանը կազմել է 14,487,561.0 հազ. դրամ, ֆինանսավորվել է 14,409,681.3 հազ. դրամ (աղյուսակ 1):

Աղյուսակ 1

ՀՀ արտակարգ իրավիճակների նախարարության 2021 թվականի
ֆինանսավորումը պետական բյուջեից

հազ. դրամ

Ծրագրային միջոցառում	Հաշվետու ժամանակահատվածի ճշտված պլան	Ֆինանսավորում	Դրամարկղային ծախս	Փաստացի ծախս
Տեխնիկական անվտանգության կանոնակարգում				
Տեխնիկական անվտանգության կանոնակարգման ծառայություններ	41,667.5	41,667.5	41,667.5	41,667.5
«Նաիրիտ գործարան» ՓԲԸ-ի անվտանգության ապահովում	523,816.0	506,690.4	506,690.4	506,690.4
Արտակարգ իրավիճակների արձագանքման կարողությունների զարգացում				
Պետական և տեղական ինքնակառավարման մարմինների ղեկավար անձնակազմի և մասնագետների վերապատրաստման կազմակերպում	110,245.1	110,245.1	110,245.1	113,723.4
Սեյսմիկ պաշտպանություն				
Սեյսմիկ պաշտպանության ոլորտում ծառայությունների տրամադրում	759,497.0	759,497.0	759,497.0	759,091.0
Փրկարարական ծառայություններ				
Փրկարարական ծառայություններ	11,380,270.1	11,372,194.8	11,367,136.0	11,265,484.0
Արտակարգ իրավիճակներում մարդասիրական աջակցության կազմակերպում	34,921.1	34,921.1	34,921.1	36,188.9

Օտարերկրյա պետությունների ուսումնական հաստատություններ գործողված փրկարարական ծառայողների ուսուցման կազմակերպում	8,017.6	5,639.9	5,531.9	5,531.9
Փրկարարական ծառայողներին և փրկարար շների դեղորայքով ապահովում	840.8	840.8	840.8	840.8
Փրկարարական ծառայության տեխնիկական հագեցվածության բարելավում	14,914.1	13,325.3	13,325.3	13,325.3
ԱԻՆ փրկարար ծառայության շների ապահովվածության և պայմանների բարելավում	12,100.0	11,967.3	11,967.3	10,418.1
Ռազմավարական նշանակության պաշարների կառավարում				
Պետական ռեզերվների պահպանում	232,108.0	226,976.1	226,976.1	226,976.1
Նյութական ռեսուրսների ՀՀ պետական պահուստի ձևավորում և պահպանում	28,766.7	-	-	-
Արտակարգ իրավիճակների բնագավառի պետական քաղաքականության մշակում, ծրագրերի համակարգում և մոնիտորինգ				
Արտակարգ իրավիճակների բնագավառում քաղաքականության մշակում, խորհրդատվական ծառայությունների տրամադրում և մոնիտորինգի իրականացում	1,239,172.6	1,224,491.6	1,221,456.9	1,216,975.3
Արտասահմանյան պաշտոնական գործողումներ	1,109.2	1,109.2	1,109.2	1,109.2
Արտակարգ իրավիճակների բնագավառում խորհրդատվական և հոգեբանական ծառայությունների տրամադրում	100,000.0	100,000.0	100,000.0	100,000.0
Արտակարգ իրավիճակների նախարարության տեխնիկական հագեցվածության բարելավում	115.2	115.2	115.2	-
Ընդամենը	14,487,561.0	14,409,681.3	14,401,479.8	14,298,021.9

ՀՀ արտակարգ իրավիճակների նախարարության 2021 թվականի ծախսերի ֆինանսավորումը կազմել է ճշտված պլանի 99.5 %-ը, դրամարկղային ծախսը կազմել է 14,401,479.8 հազ. դրամ կամ ճշտված պլանի 99.4 %-ը:

ՀՀ 2021 թվականի պետական բյուջեով նախատեսվել է, որ ՀՀ արտակարգ իրավիճակների նախարարությունը պետք է իրականացնի վեց ծրագրեր:

«Տեխնիկական անվտանգության կանոնակարգում» ծրագրով, որի 2021 թվականի ծախսը ճշտված պլանով նախատեսվել է 565,483.5 հազ. դրամ, ֆինանսավորումը և դրամարկղային ծախսը կազմել են 548,357.9 հազ. դրամ կամ ճշտված պլանի 97.0 %-ը: Ծրագրի միջոցառումները երկուսն են.

- «Տեխնիկական անվտանգության կանոնակարգման ծառայություններ» միջոցառման կատարման համար տարեկան ծախսը ճշտված պլանով նախատեսվել է 41,667.5 հազ. դրամ, ֆինանսավորումը և դրամարկղային ծախսը կատարվել են 100 %-ով: Միջոցառման համար սահմանված են հինգ արդյունքի չափորոշիչներ՝ կանոնակարգերի մշակման քանակ, արտադրական պատահարների և տեխնաժին վթարների քանակ, տեխնաժին վթարների քանակ, արտադրական վտանգավոր օբյեկտների շահագործողների ուսուցում և որակավորում, տեխնաժին վթարների դեպքում փորձագիտական խմբերի քանակ:
- «Նաիրիտ գործարան» ՓԲԸ-ի անվտանգության ապահովում» միջոցառման կատարման համար տարեկան ծախսը ճշտված պլանով նախատեսվել է 523,816.0 հազ. դրամ, ֆինանսավորումը և դրամարկղային ծախսը կազմել են 506,690.0 հազ. դրամ կամ ճշտված պլանի 96.7 %-ը: Միջոցառման համար սահմանված են երեք արդյունքի չափորոշիչներ՝ տարբեր վտանգավորության քիմիական նյութերի քանակ, պահպանվող հիմնական միջոցների քանակ, հրավտանգ նյութերի նկատմամբ հսկողության իրականացում (ժամ):

«Արտակարգ իրավիճակների արձագանքման կարողությունների զարգացում» ծրագրով իրականացվում է մեկ միջոցառում՝ «Պետական և տեղական ինքնակառավարման մարմինների ղեկավար անձնակազմի և մասնագետների վերապատրաստման կազմակերպում», որի 2021 թվականի ծախսը ճշտված պլանով նախատեսվել է 110,245.1 հազ. դրամ, ֆինանսավորումը և դրամարկղային ծախսը կատարվել են 100 %-ով: Միջոցառման համար

սահմանված են յոթ արդյունքի չափորոշիչներ, որոնք վերաբերվում են ուսուցման և վերապատրաստման ծրագրերի մասնակիցների թվին:

«Սեյսմիկ պաշտպանություն» ծրագրով իրականացվում է մեկ միջոցառում՝ «Սեյսմիկ պաշտպանության ոլորտում ծառայությունների տրամադրում», որի 2021 թվականի ծախսը ճշտված պլանով նախատեսվել է 759,497.0 հազ. դրամ, ֆինանսավորումը և դրամարկղային ծախսը կատարվել են 100 %-ով: Միջոցառման համար սահմանված են յոթ արդյունքի չափորոշիչներ, որոնք վերաբերվում են դիտարկումների քանակներին և սեյսմիկ պաշտպանության վարքականոնների ուսուցմանը:

«Փրկարարական ծառայություններ» ծրագրով, որի 2021 թվականի ծախսը ճշտված պլանով նախատեսվել է 11,451,063.7 հազ. դրամ, ֆինանսավորումը կազմել է 11,438,889.2 հազ. դրամ կամ ճշտված պլանի 99.9 %-ը, դրամարկղային ծախսը՝ 11,433,722.4 հազ. դրամ կամ ճշտված պլանի 99.8 %-ը: Ծրագրի միջոցառումները վեցն են.

- «Փրկարարական ծառայություններ» միջոցառման կատարման համար տարեկան ծախսը ճշտված պլանով նախատեսվել է 11,380,270.1 հազ. դրամ, ֆինանսավորումը կազմել է 11,372,194.8 հազ. դրամ կամ ճշտված պլանի 99.9 %-ը, դրամարկղային ծախսը՝ 11,367,136.0 հազ. դրամ կամ ճշտված պլանի 99.8 %-ը: Միջոցառման համար սահմանված են հինգ արդյունքի չափորոշիչներ, որոնք վերաբերվում են ահազանգերի ստացման պահից մինչև մեկնում, մինչև կանչի վայր հասնելու և մինչև գործողությունների ավարտի միջին ժամանակահատվածներին:

- «Արտակարգ իրավիճակներում մարդասիրական աջակցության կազմակերպում» միջոցառման կատարման համար տարեկան ծախսը ճշտված պլանով նախատեսվել է 34,921.1 հազ. դրամ, ֆինանսավորումը և դրամարկղային ծախսը կատարվել են 100 %-ով: Միջոցառման համար սահմանված են երեք արդյունքի չափորոշիչներ՝ արտակարգ իրավիճակների արձագանքման մասնակցություն, մարդասիրական օգնության տրամադրում տուժած

բնակչությանը և փրկարար ծառայության ստորաբաժանումների անձնակազմի ուսուցման ու որակավորման բարձրացման դասընթացների կազմակերպում:

- «Օտարերկրյա պետությունների ուսումնական հաստատություններ գործողված փրկարարական ծառայողների ուսուցման կազմակերպում» միջոցառման կատարման համար տարեկան ծախսը ճշտված պլանով նախատեսվել է 8,017.6 հազ. դրամ, ֆինանսավորումը կազմել է 5,639.9 հազ. դրամ կամ ճշտված պլանի 70.3 %-ը, դրամարկղային ծախսը՝ 5,531.9 հազ. դրամ կամ ճշտված պլանի 69.0 %-ը: Միջոցառման համար սահմանված է մեկ արդյունքի չափորոշիչ՝ կրթաթոշակ ստացող փրկարարական ծառայության աշխատակիցների թիվ:

- «Փրկարարական ծառայողներին և փրկարար շներին դեղորայքով ապահովում» միջոցառման կատարման համար տարեկան ծախսը ճշտված պլանով նախատեսվել է 840.8 հազ. դրամ, ֆինանսավորումը և դրամարկղային ծախսը կատարվել են 100 %-ով: Միջոցառման համար սահմանված է մեկ արդյունքի չափորոշիչ՝ բնածին և տեխնածին աղետներից տուժածների քանակ:

- «Փրկարարական ծառայության տեխնիկական հագեցվածության բարելավում» միջոցառման կատարման համար տարեկան ծախսը ճշտված պլանով նախատեսվել է 14,914.1 հազ. դրամ, ֆինանսավորումը և դրամարկղային ծախսը կազմել են 13,325.3 հազ. դրամ կամ ճշտված պլանի 89.3 %-ը: Միջոցառման համար սահմանված են երեք արդյունքի չափորոշիչներ՝ գնվող համակարգչային սարքավորումների և գրասենյակային գույքի քանակ, սարքավորումների ծառայության միջին ժամկետ (տարի):

- «ԱԻՆ փրկարար ծառայության շենքի ապահովվածության և պայմանների բարելավում» միջոցառման կատարման համար տարեկան ծախսը ճշտված պլանով նախատեսվել է 12,100.0 հազ. դրամ, ֆինանսավորումը և դրամարկղային ծախսը կազմել են 11,967.3 հազ. դրամ կամ ճշտված պլանի 98.9 %-ը:

«Ռազմավարական նշանակության պաշարների կառավարում» ծրագրով, որի 2021 թվականի տարեկան ծախսը ճշտված պլանով նախատեսվել է 260,874.7

հազ. դրամ, ֆինանսավորումը և դրամարկղային ծախսը կազմել են 226,976.1 հազ. դրամ կամ ճշտված պլանի 87.0 %-ը: Ծրագրի միջոցառումները երկուսն են.

- «Պետական ռեզերվների պահպանում» միջոցառման կատարման համար տարեկան ծախսը ճշտված պլանով նախատեսվել է 232,108.0 հազ. դրամ, ֆինանսավորումը և դրամարկղային ծախսը կազմել են 226,976.1 հազ. դրամ կամ ճշտված պլանի 97.8 %-ը:

- «Նյութական ռեսուրսների ՀՀ պետական պահուստի ձևավորում և պահպանում» միջոցառման կատարման համար տարեկան ծախսը ճշտված պլանով նախատեսվել է 28,766.7 հազ. դրամ: Ֆինանսավորում և դրամարկղային ծախս չի կատարվել:

«Արտակարգ իրավիճակների բնագավառի պետական քաղաքականության մշակում, ծրագրերի համակարգում և մոնիտորինգ» ծրագրով, որի 2021 թվականի տարեկան ծախսը ճշտված պլանով նախատեսվել է 1,340,397.0 հազ. դրամ, ֆինանսավորումը կազմել է 1,325,716.0 հազ. դրամ կամ ճշտված պլանի 98.9 %-ը, դրամարկղային ծախսը՝ 1,322,681.3 հազ. դրամ կամ ճշտված պլանի 98.7 %-ը: Ծրագրի միջոցառումները չորսն են.

- «Արտակարգ իրավիճակների բնագավառում քաղաքականության մշակում, խորհրդատվական ծառայությունների տրամադրում և մոնիտորինգի իրականացում» միջոցառման կատարման համար տարեկան ծախսը ճշտված պլանով նախատեսվել է 1,239,172.6 հազ. դրամ, ֆինանսավորումը կազմել է 1,224,491.6 հազ. դրամ կամ ճշտված պլանի 98.8 %-ը, դրամարկղային ծախսը՝ 1,221,456.9 հազ. դրամ կամ ճշտված պլանի 98.6 %-ը: Միջոցառման համար արդյունքի չափորոշիչներ սահմանված չեն:

- «Արտասահմանյան պաշտոնական գործուղումներ» միջոցառման կատարման համար տարեկան ծախսը ճշտված պլանով նախատեսվել է 1,109.2 հազ. դրամ, ֆինանսավորումը և դրամարկղային ծախսը կատարվել են 100 %-ով: Միջոցառման համար արդյունքի չափորոշիչներ սահմանված չեն:

- «Արտակարգ իրավիճակների բնագավառում խորհրդատվական և հոգեբանական ծառայությունների տրամադրում» միջոցառման կատարման համար տարեկան ծախսը ճշտված պլանով նախատեսվել է 100,000.0 հազ. դրամ, ֆինանսավորումը և դրամարկղային ծախսը կատարվել են 100 %-ով: Միջոցառման համար արդյունքի չափորոշիչներ սահմանված չեն:
- «Արտակարգ իրավիճակների նախարարության տեխնիկական հագեցվածության բարելավում» միջոցառման կատարման համար տարեկան ծախսը ճշտված պլանով նախատեսվել է 115.2 հազ. դրամ, ֆինանսավորումը և դրամարկղային ծախսը կատարվել են 100 %-ով:

ԱՆՀԱՄԱՊԱՏԱՍԽԱՆՈՒԹՅՈՒՆՆԵՐԻ ՎԵՐԱԲԵՐՅԱԼ ԳՐԱՌՈՒՄՆԵՐ

Հաշվեքննության ընթացքում կատարվել է ՀՀ արտակարգ իրավիճակների նախարարության աշխատողների աշխատավարձերի և պարգևավճարների հաշվարկի և վճարման ճշտության ընտրանքային ուսումնասիրություն: Արձանագրվել է.

- ՀՀ արտակարգ իրավիճակների նախարարի 24.12.2021թ. թիվ 1669-Ա հրամանով Հայաստանի Հանրապետության փրկարար ծառայության փրկարար ծառայողները (բացառությամբ տնօրենի և տնօրենի տեղակալների), քաղաքացիական ծառայողները, քաղաքացիական աշխատանք կատարողները և տեխնիկական սպասարկում իրականացնողները պարգևատրվել են պաշտոնային դրույքաչափի 1,75 գործակցի չափով: Պարգևատրումը կատարվել է աշխատավարձի և պարգևատրման ֆոնդի տնտեսված միջոցներից: Հրամանում նշվել է, որ պարգևատրումը կատարվել է ղեկավարվելով «Պետական պաշտոններ և պետական ծառայության պաշտոններ զբաղեցնող անձանց վարձատրության մասին» ՀՀ օրենքի 22-րդ հոդվածի 9-րդ մասի դրույթով՝ «Պետական ծառայողին պաշտոնի նշանակելու իրավասություն ունեցող կամ Հայաստանի Հանրապետության օրենքներով սահմանված համապատասխան

լիազորություններով օժտված այլ պաշտոնատար անձը հատուկ առաջադրանքների և (կամ) որակյալ աշխատանքի կատարման համար պետական ծառայողներին կարող է պարգևատրել աշխատավարձի ֆոնդի տնտեսված միջոցներից և (կամ) օրենքով չարգելված այլ աղբյուրներից»:

«Փրկարար ծառայության մասին» ՀՀ օրենքի 57-րդ հոդվածի 1-ին մասի համաձայն՝ փրկարարական ծառայողների նկատմամբ խրախուսանք կարող է կիրառել պաշտոնի նշանակելու իրավասություն ունեցող պաշտոնատար անձը: Նույն օրենքի 31-րդ հոդվածի 2-րդ մասի համաձայն՝ փրկարարական ծառայության կրտսեր պաշտոնների խմբի ծառայողներին պաշտոնի է նշանակում Փրկարար ծառայության տնօրենը, ինչպես նաև 108-րդ հոդվածի համաձայն՝ Փրկարար ծառայությունում ստորաբաժանումների քաղաքացիական անձնակազմին և տեխնիկական սպասարկում իրականացնող անձնակազմին ևս աշխատանքի է ընդունում Փրկարար ծառայության տնօրենը: Հետևաբար, փրկարար ծառայության կրտսեր պաշտոնների խմբի ծառայողների, ինչպես նաև քաղաքացիական և տեխնիկական սպասարկում իրականացնող անձնակազմների նկատմամբ խրախուսանք կիրառելու իրավասությունը վերապահված է Փրկարար ծառայության տնօրենին: Սակայն, Փրկարար ծառայության բոլոր աշխատողները պարգևատրվել են ՀՀ արտակարգ իրավիճակների նախարարի 24.12.2021թ. թիվ 1669-Ա հրամանով:

Ծրագրային միջոցառումների կատարման համար ՀՀ արտակարգ իրավիճակների նախարարության կողմից կնքված ապրանքների և ծառայությունների գնման պայմանագրերի ընտրանքային ուսումնասիրությամբ արձանագրվել է.

- ՀՀ արտակարգ իրավիճակների նախարարությունը 2020 թվականի ռազմական գործողություններին մասնակցած անձանց և հանրության հոգեբանական վերականգնման ծառայության ձեռքբերման նպատակով «Սեդա Ղազարյանի անվան հոգեկան առողջության» հիմնադրամի հետ կնքել է 01.04.2021թ. թիվ ՀԲՄԾՁԲ-ԱԻՆ-21/31 պայմանագիր՝ 100,000.0 հազ. դրամ

արժեքով: Պայմանագրի տեխնիկական բնութագրով սահմանվել է մեկ անձի համար ծառայության յուրաքանչյուր տեսակի արժեքը՝ աղյուսակ 2:

Աղյուսակ 2

Ծառայության անվանումը	Մեկ անձի համար ծառայության արժեքը (<< դրամ)
Անհատական հոգեբանական աջակցություն և հոգեթերապիա (մինչև 8 սեսիա)՝ 1-1,5 ժամ	10 000
Խմբային հոգեբանական աջակցություն և հոգեթերապիա 1-1,5 ժամ տևողությամբ	10 000
Առցանց կամ հեռախոսով տրամադրվող հոգեբանական աջակցություն կամ հոգեթերապիա (մինչև 8 սեսիա) 1-1,5 ժամ տևողությամբ	8 000
Հոգեբանների շարժական խմբերի ծառայություն (մինչև 8 սեսիա)	15 400
Հոգեբանական թեժ գծի ծառայություն	200
Ընդհանուր հասանելիության մատչելի տեսաշարերի նկարահանում և ցուցադրում՝ ապահովելով հաշմանդամություն ունեցող անձանց համար մատչելի գործիքների առկայությունը, այդ թվում՝ ժեստերի լեզվի թարգմանություն, հայերեն լուսագրերի առկայություն	0
Էլեկտրոնային հարթակների միջոցով ծառայություն	0

<< արտակարգ իրավիճակների նախարարության պետական բյուջեի ինն ամիսների կատարման հաշվեքննությամբ արձանագրվել էր, որ հանձնման ընդունման արձանագրություններով մատուցված ծառայությունների դիմաց վճարումը կատարվել է պայմանագրով սահմանված ծառայության յուրաքանչյուր տեսակի արժեքներին և քանակներին համապատասխան, բացառությամբ «հոգեբանական թեժ գծի ծառայություն» տեսակի: 2021 թվականի օգոստոսի 12-ի թիվ 1 արձանագրությամբ՝ «հոգեբանական թեժ գծի ծառայություն» տողով քանակական ցուցանիշ ներկայացվել է «2», իսկ վճարման ենթակա գումար՝ 2,666.7 հազ. դրամ, որը ամբողջությամբ վճարվել է << արտակարգ իրավիճակների նախարարության կողմից: Փաստորեն, հոգեբանական թեժ գծի երկու ծառայության համար պայմանագրով 400 դրամ կազմող արժեքի փոխարեն վճարվել է քանակով 13333.5 հոգեբանական թեժ գծի ծառայության արժեք, կամ 2,666.3 հազ. դրամով ավելի գումար: Հաշվեքննության ընթացքում << արտակարգ իրավիճակների նախարարության կողմից ավելի վճարված գումարը վերականգնվել է պայմանագրի շրջանակում ներկայացված հաջորդ հարկային հաշվի դիմաց կատարողին այդ գումարի չափով պակաս վճարելով: Ընդհանուր առմամբ, «հոգեբանական թեժ գծի ծառայություն» տողով պայմանագրի

շրջանակում ընդունվել է վճարման և վճարվել է 5645 հատ ծառայության մատուցում՝ 1,129.0 հազ. դրամ արժեքով: Այդ չափով կատարողի կողմից ծառայության մատուցումը հավաստող որևէ հիմնավորում ՀՀ արտակարգ իրավիճակների նախարարությունը չի ներկայացրել:

Հաշվեքննության ընթացքում ուսումնասիրվել է ՀՀ արտակարգ իրավիճակների նախարարության 2021 թվականի բյուջետային ծրագրերի միջոցառումներով պլանավորված արդյունքային ցուցանիշների կատարողականը: Ուսումնասիրության համար հիմք է հանդիսացել ՀՀ արտակարգ իրավիճակների նախարարության 2021 թվականի պետական բյուջեի ելքային ծրագրերի և միջոցառումների գծով արդյունքային ցուցանիշների կատարման վերաբերյալ տարեկան հաշվետվությունը: Ըստ հաշվետվության, միջոցառումների արդյունքի չափորոշիչներով սահմանվել են հիմնականում քանակական բնութագրեր, իսկ որակական բնութագրեր չեն սահմանվել: Իրականացված միջոցառումների վերջնական արդյունքը գնահատելու համար հաշվետվությունը չի պարունակում բավարար տեղեկատվություն: Այսպես.

- «Փրկարարական ծառայողներին և փրկարար շներին դեղորայքով ապահովում» միջոցառումն համար, որպես արդյունքի միակ չափորոշիչ սահմանվել է՝ «բնածին և տեխնածին աղետներից տուժածների քանակը», որը չի համապատասխանում միջոցառման անվանմանը, քանի որ վերլուծական մասում հղում է կատարվում «ճանապարհատրանսպորտային պատահարներից տուժած անձանց թվին»: Ընդ որում, միջոցառման հաշվետու ժամանակահատվածի ճշտված պլանով տուժածների քանակը նախատեսվել է 800 հոգի, փաստացի քանակը ըստ հաշվետվության կազմել է 7020 հոգի, սակայն միջոցառման համար պլանավորված և փաստացի ծախսը չի ավելացել: Բացի այդ, արդյունքի չափորոշիչով չի սահմանվել որևէ որակական բնութագիր:
- «Օտարերկրյա պետությունների ուսումնական հաստատություններ գործուղված փրկարարական ծառայողների ուսուցման կազմակերպում» միջոցառման համար որպես արդյունքի միակ չափորոշիչ սահմանվել է

«կրթաթոշակ ստացող փրկարարական ծառայության աշխատակիցների քանակը», սակայն չի սահմանվել որևէ որակական բնութագիր (օրինակ՝ ուսման տևողություն, առաջադիմություն, որակավորում): Ընդ որում, վերլուծական մասում միջոցառման հաշվետու ժամանակահատվածի ճշտված պլանի և փաստացի ծախսի միջև տարբերության վերաբերյալ նշված է՝ «ուսուցում ստացող անձանց ընտանիքի անդամների ճանապարհածախսի բացակայությունը, որի արդյունքում առաջացել է տնտեսում», որը չի համապատասխանում միջոցառման նկարագրությանը:

- «Արտակարգ իրավիճակների բնագավառում խորհրդատվական և հոգեբանական ծառայությունների տրամադրում» միջոցառման համար քանակական, որակական ցուցանիշներ չեն սահմանվել, չի սահմանվել ծառայությունը ստացող շահառուների վերաբերյալ որևէ բնութագիր:

Փաստորեն, առանձին միջոցառումների համար սահմանված արդյունքի չափորոշիչները չեն ներառում միջոցառումների կատարման արդյունքում շահառուների կողմից ստացված օգուտներին վերաբերվող բնութագրեր, որոնք հիմք կհանդիսանային այդ միջոցառումների արդյունավետությունը գնահատելու համար:

ԱՐՁԱՆԱԳՐՎԱԾ ԱՅԼ ՓԱՍՏԵՐ

ՀՀ հաշվեքննիչ պալատի «Պետական բյուջեի երեք, վեց, ինն ամիսների և տարեկան կատարման հաշվեքննության» ուղեցույցի հիման վրա մշակված մեթոդական ցուցումներով ՀՀ արտակարգ իրավիճակների նախարարության 2021 թվականի պետական բյուջեի տարեկան կատարման հաշվեքննության նվազագույն ծածկույթը ապահովելու համար պլանավորվել և հաշվեքննության են ենթարկվել պետական բյուջեի ծրագրերի միջոցառումներով կատարված հետևյալ ծախսերը.

1. «Փրկարարական ծառայություններ» միջոցառման շրջանակում աշխատողների աշխատավարձերի, հավելավճարների և պարգևատրումների ծախսեր:

2. Առանձին միջոցառումների շրջանակում ՀՀ արտակարգ իրավիճակների նախարարության ստորաբաժանումների կողմից կնքված 623,816.0 հազ. դրամի երեք պայմանագրեր, որով 2021 թվականին կատարված ծախսերը կազմել են 606,690.4 հազ. դրամ:

Հաշվեքննության ընթացքում կատարվել է ՀՀ արտակարգ իրավիճակների նախարարության Փրկարար ծառայության աշխատողների աշխատավարձերի և հավելավճարների հաշվարկի և վճարման ճշտության ընտրանքային ուսումնասիրություն: ՀՀ արտակարգ իրավիճակների նախարարության «Փրկարարական ծառայություններ» բյուջետային ծրագրային միջացառումով հատկացված միջոցներով վարձատրվող աշխատողների հաստիքացուցակներից համակարգչային ծրագրի միջոցով կատարվել է 51 աշխատողների պատահական ընտրություն ընդհանուր թվակազմից՝ ըստ պաշտոնների յուրաքանչյուր խմբի: Ընդ որում, ընտրության արդյունքները ճշգրտվել են այնպես, որ յուրաքանչյուր պաշտոնների խմբից ընտրվի առնվազն մեկ աշխատող (աղյուսակ 3):

Աղյուսակ 3

ՀՀ արտակարգ իրավիճակների նախարարության Փրկարար ծառայության աշխատողների համակարգչային ծրագրի միջոցով պատահական ընտրություն

Պաշտոնների խումբ	«Փրկարարական ծառայություններ» բյուջետային ծրագրային միջացառում	
	ընտրված աշխատողների քանակ	ճշգրտված քանակ
Բարձրագույն խումբ	0	1
Գլխավոր խումբ	1	1
Ավագ խումբ	6	6
Միջին խումբ	2	2
Կրտսեր խումբ	38	38
Պայմանագրային աշխատողներ	0	1
Տեխնիկական աշխատող	2	2
Ընդամենը	49	51

Ընտրված աշխատողների 2021 թվականի 12 ամիսների աշխատավարձերի ու հավելավճարների ցուցակների ուսումնասիրությունից պարզվել է, որ ընտրված աշխատողների աշխատավարձերը և հավելավճարները հաշվարկվել և վճարվել են «Պետական պաշտոններ և պետական ծառայության պաշտոններ զբաղեցնող անձանց վարձատրության մասին» ՀՀ օրենքի, ՀՀ կառավարության 03.07.2014թ. թիվ 710-Ն՝ «Հայաստանի Հանրապետության պաշտպանության, ազգային անվտանգության, ոստիկանության մարմիններում զինվորական ծառայության պաշտոն զբաղեցնողների, քրեակատարողական ծառայության եվ փրկարար ծառայության ծառայողների լրավճարների դեպքերը, չափերը եվ վճարման կարգը սահմանելու մասին» որոշման, ՀՀ կառավարության 03.07.2014թ. թիվ 712-Ն՝ «Զինված ուժերում, ազգային անվտանգության, ոստիկանության մարմիններում, քրեակատարողական եվ փրկարար ծառայություններում ծառայության առանձնահատկություններով պայմանավորված հավելումների տրամադրման դեպքերը, դրանց վճարման չափերը եվ կարգը սահմանելու մասին» որոշման պահանջներին համապատասխան:

Հաշվեքննության ընթացքում փրկարար ծառայության ծառայողների պարգևատրումների մասով արձանագրվել է, որ ՀՀ արտակարգ իրավիճակների նախարարի 24.12.2021թ. թիվ 1669-Ա հրամանով Հայաստանի Հանրապետության փրկարար ծառայության փրկարար ծառայողները քաղաքացիական ծառայողները, քաղաքացիական աշխատանք կատարողները և տեխնիկական սպասարկում իրականացնողները պարգևատրվել են պաշտոնային դրույքաչափի 1,75 գործակցի չափով, որը կարգավորված է «Հայաստանի Հանրապետության 2021 թվականի պետական բյուջեի մասին» ՀՀ օրենքի 9-րդ հեղվածի 17-րդ մասի դրույթով:

Հաշվեքննության ենթարկված ՀՀ արտակարգ իրավիճակների նախարարության կողմից առանձին միջոցառումների կատարման համար կնքված պայմանագրերը ներկայացված են աղյուսակ 4-ում:

Աղյուսակ 4

Հաշվեքննության ենթարկված ՀՀ արտակարգ իրավիճակների
նախարարության պայմանագրեր

			հազ. դրամ
Կատարող	Պայմանագրի համար	Պայմանագրի գումար	Վճարված գումար
«Նաիրիտ գործարան» ՓԲԸ-ի անվտանգության ապահովում			
«Նաիրիտ Գործարան» ՓԲԸ	ՀՄԱԾՁԲ-ԱԻՆ-21/11	285,953.6	268,828.0
«Նաիրիտ Գործարան» ՓԲԸ	Թիվ 19	237,862.4	237,862.4
Արտակարգ իրավիճակների բնագավառում խորհրդատվական և հոգեբանական ծառայությունների տրամադրում			
Սեդա Ղազարյանի անվան Հոգեկան Առողջության հիմնադրամ	ՀԲՄԾՁԲ-ԱԻՆ-21/31	100,000.0	100,000.0
Ընդամենը		623,816.0	606,690.4

Նշված պայմանագրերի հաշվեքննության արդյունքում արձանագրվել է.

- Հայաստանի Հանրապետության կառավարության 3.06.2021թ. թիվ 923-Ն որոշումով «Տեխնիկական անվտանգության կանոնակարգում» ծրագրի շրջանակում «Նաիրիտ գործարան» ՓԲԸ-ի անվտանգության ապահովում» միջոցառման իրականացման համար ՀՀ արտակարգ իրավիճակների նախարարությանը ՀՀ կառավարության պահուստային ֆոնդից հատկացվել է 285,953.6 հազ. դրամ: Միջոցառման իրականացման համար ՀՀ արտակարգ իրավիճակների նախարարությունը մեկ անձից գնում կատարելու ձևով «Նաիրիտ գործարան» ՓԲԸ հետ կնքել է 14.06.2021թ. թիվ ՀՄԱԾՁԲ-ԱԻՆ-21/11 պայմանագիր՝ 285,953.6 հազ. դրամ արժեքով: Պայմանագրի տեխնիկական բնութագրով նախատեսվել է, որ կատարողը մատուցելու է «Նաիրիտ գործարան» ՓԲԸ-ի տեխնոլոգիական համակարգերում, տարողություններում և սարքավորումներում առկա քիմիական նյութերի և սարքավորումների անվտանգ պահպանության ծառայություններ:

Համաձայն «Նաիրիտ գործարան» ՓԲԸ կողմից ՀՀ արտակարգ իրավիճակների նախարարությանը ներկայացված տեղեկանքի, պայմանագրով նախատեսված գումարի հաշվին 2021 թվականի մայիսի 31-ի դրությամբ ենթակա

են վճարման ընկերության կողմից կատարված անհետաձգելի ծախսերը՝ 285,953.6 հազ. դրամ, որից աշխատավարձ և դրան հավասարեցված պարտադիր վճարներ՝ 231,252.4 հազ. դրամ, անհետաձգելի հրատապ և այլ ծախսեր՝ 30,000.0 հազ. դրամ, էլեկտրաէներգիայի և ջրի ծախսեր՝ 21,536.2 հազ. դրամ և այլ վճարներ՝ 3,165.0 հազ. դրամ: «Նաիրիտ գործարան» ՓԲԸ կողմից ներկայացված՝ չվճարված աշխատավարձերի վերաբերյալ տեղեկանքի և նպաստ ստացողների ցանկի համաձայն՝ ՀՀ արտակարգ իրավիճակների նախարարությունը 2021 թվականի հունիսի 16-ին փոխանցել է ընկերությանը 231,252.4 հազ. դրամ: 2021 թվականի օգոստոս ամսին ՀՀ արտակարգ իրավիճակների նախարարությունը, հիմք ընդունելով ներկայացված հարկային հաշիվը, փոխանցել է ընկերությանը ևս 24,701.2 հազ. դրամ: Հաշվի առնելով, որ «Նաիրիտ գործարան» ՓԲԸ աշխատողների 2021 թվականի մայիսի 31-ի դրությամբ հաշվարկված աշխատավարձերը և դրան հավասարեցված պարտադիր վճարները՝ 231,252.4 հազ. դրամ, ամբողջությամբ փոխանցվել էր ընկերությանը առաջին կիսամյակում, իսկ օգոստոս ամսին երկրորդ փոխանցումը պետք է ուղղվեր կատարված անհետաձգելի հրատապ և այլ ծախսերի փոխհատուցմանը: Սակայն, այդ ծախսերի կատարումը հիմնավորող փաստաթղթերը ՀՀ արտակարգ իրավիճակների նախարարություն չէին ներկայացվել, իսկ փոխանցումը կատարվել էր «Նաիրիտ գործարան» ՓԲԸ կողմից 2021 թվականի օգոստոսի 30-ին դուրս գրված հարկային հաշվի հիման վրա: Հաշվեքննությամբ պարզվել է, որ կատարված ծախսերը հավաստող փաստաթղթերը ՀՀ արտակարգ իրավիճակների նախարարություն են ներկայացվել 2021 թվականի հոկտեմբեր ամսվա ընթացքում:

Պայմանագրի շրջանակում 2021 թվականի չորրորդ եռամսյակում «Նաիրիտ գործարան» ՓԲԸ փոխանցվել է ևս 12,874.4 հազ. դրամ, որից 4,079.4 հազ. դրամը՝ 2021 թվականի հոկտեմբերի 4-ին, իսկ 8,795.0 հազ. դրամը՝ 2021 թվականի դեկտեմբերի 28-ին: Գումարը վճարել են «Նաիրիտ գործարան» ՓԲԸ որպես կատարված ծախսերի փոխհատուցում: Ծախսերը հիմնավորող փաստաթղթերը

ներկայացվել են ՀՀ արտակարգ իրավիճակների նախարարությանը: Փաստացի, 14.06.2021թ. թիվ ՀՄԱԾՁԲ-ԱԻՆ-21/11 պայմանագրի շրջանակում «Նաիրիտ գործարան» ՓԲԸ ներկայացրել է 268,828.0 հազ. դրամի ծախսը հիմնավորող փաստաթղթեր և ՀՀ արտակարգ իրավիճակների նախարարությունը փոխանցել է Նաիրիտ գործարան» ՓԲԸ 17,125.6 հազ. դրամով պակաս:

- Հայաստանի Հանրապետության կառավարության 16.12.2021թ. թիվ 2084-Ն որոշմամբ 2021 թվականի պետական բյուջեում կատարվել է վերաբաշխում, և ՀՀ արտակարգ իրավիճակների նախարարությանը ՀՀ կառավարության պահուստային ֆոնդից հատկացվել է 237,862.4 հազ. դրամ: Գումարը հատկացվել է «Նաիրիտ գործարան» ՓԲԸ աշխատակիցներին 2021 թվականի հունիսից դեկտեմբեր ամիսների համար չվճարված աշխատավարձի և նպաստների վճարման նպատակով: ՀՀ արտակարգ իրավիճակների նախարարության և «Նաիրիտ գործարան» ՓԲԸ միջև 2021 թվականի դեկտեմբերի 23-ին կնքվել է դրամաշնորհի տրամադրման պայմանագիր՝ 237,862.4 հազ. դրամի, որը դեկտեմբերի 27-ին ամբողջությամբ փոխանցվել է ընկերությունը:

Հաշվեքննությամբ պարզվել է, որ «Նաիրիտ գործարան» ՓԲԸ կողմից ներկայացված այդ ամիսների աշխատավարձերի տեղեկագրում ընդգրկված են 240 աշխատողների տվյալներ: 2021 թվականի հունիս, հուլիս, օգոստոս, սեպտեմբեր, հոկտեմբեր, նոյեմբեր և դեկտեմբեր ամիսների նպաստառուների ցուցակում յուրաքանչյուր ամիս ներառված են 18 անձ, որոնց նպաստը գումարային ամսական կազմում է 1,254.4 հազ. դրամ: ՀՀ արտակարգ իրավիճակների նախարարությունում 2019 թվականին իրականացված հաշվեքննության ընթացքում արձանագրվել էր, որ «Նաիրիտ գործարան» ՓԲԸ-ի տեխնոլոգիական համակարգում, տարողություններում և սարքավորումներում առկա քիմիական նյութերի և սարքավորումների անվտանգ պահպանությանը աջակցելու համար ՀՀ կառավարության պահուստային ֆոնդից ՀՀ կառավարության 23.02.2017թ. թիվ 165-Ն և 13.07.2017թ. թիվ 803-Ն որոշումներով հատկացվել է գումարային 163,185.4 հազ. դրամ: Հատկացված գումարը բավարարել է «Նաիրիտ գործարան»

ՓԲԸ փաստացի աշխատողների 2017 թվականի և 2018 թվականի առաջին չորս ամիսների աշխատանքի վարձատրության ծախսերը կատարելու համար: Այդ ժամանակահատվածում «Նաիրիտ գործարան» ՓԲԸ-ում առկա քիմիական նյութերի և սարքավորումների անվտանգ պահպանությունը իրականացվել է 121 հաստիքային միավորներով՝ 11,454.7 հազ. դրամ ամսական աշխատավարձի ֆոնդով: Ներկայում, յոթ ամիսների համար, առանց հաշվի առնելու փոխհատուցման նպաստի ծախսերը, աշխատավարձի միջին ամսական ֆոնդը կազմել է 32,726.0 հազ. դրամ: Փաստորեն, նույն գործառույթները իրականացնելու համար աշխատողների աշխատանքի վարձատրության ամսական ծախսը աճել է շուրջ 3 անգամ, իսկ փաստացի աշխատողների թվաքանակը կրկնապատկվել է: Մատուցված ծառայության շրջանակում ընկերության աշխատողների վարձատրության ծախսերի և աշխատողների թվաքանակի էական աճի հիմնավորվածությունը Հաշվեքննիչ պալատի կողմից հնարավոր է պարզել օրենսդրությամբ սահմանված կարգով «Նաիրիտ գործարան» ՓԲԸ-ում ստուգում իրականացնելու միջոցով:

Հաշվեքննությամբ հայտնաբերվել են անհամապատասխանություններ, որոնք համատարած չեն: Հաշվեքննությամբ հայտնաբերված անհամապատասխանությունները ներկայացված են աղյուսակ 5-ում:

Աղյուսակ 5

Հաշվեքննությամբ հայտնաբերված անհամապատասխանություններ

հազ. դրամ

Անհամապատասխանություն	Իրավական ակտ	Գումար
Փրկարար ծառայության կրտսեր պաշտոնների խմբի ծառայողների, ինչպես նաև քաղաքացիական և տեխնիկական սպասարկում իրականացնող անձնակազմների նկատմամբ խրախուսանք կիրառելու իրավասությունը վերապահված է Փրկարար ծառայության տնօրենին, սակայն այդ աշխատողները պարգևատրվել են ՀՀ արտակարգ իրավիճակների նախարարի 24.12.2021թ. թիվ 1669-Ա հրամանով	«Փրկարար ծառայության մասին» ՀՀ օրենքի 57-րդ հոդվածի 1-ին մաս	
«Հոգեբանական թեժ գծի ծառայություն» տողով ծառայության մատուցումը հավաստող որևէ հիմնավորում չի ներկայացվել, սակայն ՀՀ արտակարգ իրավիճակների նախարարությունը կատարել է վճարում	«Սեդա Ղազարյանի անվան հոգեկան առողջության» հիմնադրամ, թիվ ՀԲՄԾՁԲ-ԱԻՆ-21/31 պայմանագիր	1,129.0

Միջոցառումների արդյունքի չափորոշիչներով սահմանվել են հիմնականում քանակական բնութագրեր, իսկ որակական բնութագրեր չեն սահմանվել: Առանձին միջոցառումների արդյունքի չափորոշիչների բնութագրերը չեն համապատասխանում միջոցառման նկարագրությանը: Միջոցառումների համար սահմանված արդյունքի չափորոշիչները չեն ներառում միջոցառումների կատարման արդյունքում շահառուների կողմից ստացված օգուտներին վերաբերվող բնութագրեր:	ՀՀ արտակարգ իրավիճակների նախարարության 2021 թվականի պետական բյուջեի ելքային ծրագրերի և միջոցառումների գծով արդյունքային ցուցանիշների կատարման վերաբերյալ տարեկան հաշվետվություն	
---	--	--

Հաշվեքննության իրականացման համար ՀՀ արտակարգ իրավիճակների նախարարության կողմից ներկայացված 2021 թվականի ֆինանսական գործունեության վերաբերյալ հաշվետվությունների ցուցանիշները համադրվել են ՀՀ ֆինանսների նախարարության գանձապետարանի գործունեության էլեկտրոնային համակարգի LS Finance և LS Rep ծրագրերի տվյալների, ինչպես նաև առանձին հոդվածներով ծախսերը հիմնավորող փաստաթղթերի հետ, տարբերություններ չեն արձանագրվել:

Հաշվեքննության իրականացման համար պահանջված տեղեկատվությունը ներկայացվել է ամբողջությամբ և սահմանված ժամկետներում:

Հաշվեքննվող օբյեկտի ղեկավարությանը 13.04.2022թ. ներկայացվել է հաշվեքննության արդյունքներով կազմված արձանագրությունը, որի վերաբերյալ օբյեկտի ղեկավարությունը՝ «Հաշվեքննիչ պալատի մասին» ՀՀ օրենքի 35-րդ հոդվածի 3-րդ մասի պահանջների համաձայն մինչև 23.04.2022թ. պետք է ներկայացնեք բացատրություններ և (կամ) առարկություններ: 2022 թվականի ապրիլի 26-ի դրությամբ հաշվեքննվող օբյեկտի կողմից բացատրություններ և (կամ) առարկություններ ՀՀ հաշվեքննիչ պալատին չեն ներկայացվել:

ԱՌԱՋԱՐԿՈՒԹՅՈՒՆՆԵՐ

ՀՀ արտակարգ իրավիճակների նախարարությանը՝

– քննարկել ծրագրային միջոցառումների համար որակական բնութագրեր պարունակող արդյունքի չափորոշիչներ սահմանելու անհրաժեշտությունը, ինչպես նաև համապատասխանեցնել արդյունքի չափորոշիչների բնութագրերը միջոցառման նկարագրությանը:

Համաձայն «Հաշվեքննիչ պալատի մասին» ՀՀ օրենքի 38-րդ հոդվածի 4-րդ մասի պահանջի՝ ընթացիկ եզրակացությունը ստանալուց հետո՝ մեկամսյա ժամկետում հաշվեքննիչ պալատին տրամադրել ընթացիկ եզրակացությունում արձանագրված անհամապատասխանությունների, խեղաթյուրումների վերացման, առաջարկությունների իրականացման և ընթացիկ եզրակացությանը վերաբերող այլ գրավոր տեղեկատվություն:

Հաշվեքննիչ պալատի անդամ
Արթուր Բախչագույան

